

# 1 TESALONAIKA

<sup>1</sup> Iga Pol na Sailas na Timoti na iga qalub anjam endi nengrenyosim ningi Tesalonaika qureq di loueqnub qaji nungoq qarinyonum. Ningi Tamo Koba Yesus Kristus aqa Abu Qotei wo nanği aiyel beternjrejunub.

Qotei a ningi qa are boleiyimqa ningi lawo na soqniy.

*Tesalonaika Kristen nanği Yesus qa nanžo areqalo sinğilateb*

<sup>2</sup> Iga gaigai ningi kalil qa pailyoqnsim Qotei binjiyeqnum.

<sup>3</sup> Ningi Yesus qa nunžo areqalo sinğilateqnub deqa ningi kumbra bole bole yeqnub. Osib ningi qalaqalaiyo kumbra dauryoqnsib wau bole ojeqnub. Mondon gago Tamo Koba Yesus Kristus a olo bqas. Ningi a qa tarinjoqnsib sinğila na tigelejunub. Iga nunžo kumbra deqa are qaloqnsim gago Abu Qotei binjiyeqnum.

<sup>4</sup> O ijo was kalil, Qotei a ningi aqa segi qa marsiq giltnjej deqa a na ningi tulan qalaqalaingeqnu. Di iga qalieonum.

<sup>5</sup> Iga nami Yesus aqa anjam bole nungoq osi bem. Iga lanja anjam maro na osi bosai. Iga sinğila ti Mondor Bole ti areqalo bole ti dena osi bem. Ningi qalie, iga nunžo ambleq di sosim kumbra boledamu yoqnsim ningi aqaryaingoqnem.

<sup>6</sup> Ningi Qotei aqa anjam ojesoqneb deqa gulbe gargekoba nungoq di brantoqnej. Bati deqa ningi

gago kumbra ti Tamo Koba aqa kumbra ti dauryoqneb. Ningi uratosaiogqneb. Mondor Bole na nungo areqalo tigeltetngogqnej deqa ningi tulan areboleboleingogqnej.

<sup>7-8</sup> Ningi Tamo Koba aqa anjam palonteqnab anjam di giloqnsiq Masedonia sawa ti Akaia sawa ti dia brantogqnej. Deqa sawa dia tamo ungasari kalil Yesus qa nanngo areqalo singilateqnub qaji nanngi nunngo kumbra qa quoqnsib dauryeqnub. Sawa dia segi sai. Sawa sawa kalilq di dego ningi Qotei qa nunngo areqalo singilateb deqa saoqnsib laq nab tamo ungasari nanngi quekriteqnub. Deqa un gum, iga aitentosisim nunngo kumbra deqa olo mare mare laqasai.

<sup>9</sup> Iga nami nunngo ambleq di sonamqa bati deqa ningi gago anjam dauryoqneb. Nunngo kumbra deqa sawa sawa kalilq di tamo ungasari nanngi saoqnsib laq nub. Ningi are bulyosib gisan qotei nanngi torei uratnjrsib Qotei bole agi nambile gaigai unu qaji a areiyosib waueteqnub.

<sup>10</sup> Osib ningi Qotei aqa Niri a lan qureq na bqajqa deqa tarinoqnsib unub. Nunngo kumbra deqa dego sawa sawa kalilq di nanngi saoqnsib laq nub. Qotei aqa Niri di agi Yesus. A moinaqa Qotei na olo subq na tigeltej. A na iga padalo sawaq na elenjej deqa mondonj Qotei aqa minjinj oqwa bati boqnimqa iga aqa minjinj di turqasai. Iga so bole gaigai sqom.

## 2

*Pol a Tesalonaika Kristen nanngo ambleq di wau bole yoqnej*

<sup>1</sup> O ijo was nin̄gi segi qalie, iga nami nun̄goq bosim nun̄go ambleq di wauoqnem gago wau di laña ulon̄osai.

<sup>2</sup> Nin̄gi qalie, iga nun̄goq bosaisosimqa iga Filipai qureq di Qotei aqa wau ojeqnam jeu tamo nan̄gi na iga jaqatin̄ egoqnsib ugeugeigoqneb. Bunuqna iga nun̄go qureq bonamqa dia dego jeu tamo nan̄gi na iga ugeugeigoqneb. Gago Qotei na gago are sin̄gilatetgej deqa iga jeu tamo nan̄gi qa ulaosai. Iga sin̄gila na tigeloqnsim Qotei aqa anjam bole nin̄gi mern̄goqnem.

<sup>3</sup> Bati deqa iga nin̄gi endegsi mern̄goqnem, “Nin̄gi Yesus qa nun̄go areqalo sin̄gilatiy.” Iga anjam uge bei nin̄gi mern̄gosaiqnem. Iga nun̄go ambleq di sosim kumbra jiga ti gisan̄ kumbra ti yosaiqnem.

<sup>4</sup> Qotei a segi gago kumbra tenemtoqnsiq une bei unosaiqnej deqa a na iga wau egsiqa mergej, “Nin̄gi ijo anjam bole mare mare laqniy.” O ijo was, mandam tamo nan̄gi gago wau qa arearet-njroqnaqajqa iga deqa are qalosaiqnem. Iga endegsi are qaloqnem, “Qotei a segi gago are miligi peleiyoqnsim gago wau qa arearetoqnaqas.”

<sup>5</sup> Nin̄gi qalie, iga walawala anjam bei nin̄gi mern̄gosaiqnem. Osim nun̄go in̄gi in̄gi qa maulgo-naq laña gisan̄ na anjam palontosaiqnem. Qotei a segi gago kumbra qa qalie.

<sup>6</sup> Iga wauoqnem di nin̄gi na kiyo tamo qudei na kiyo gago ñam soqtetgwajqa deqa wauoqnem e? Sai. Iga deqa wauosaiqnem.

<sup>7</sup> Bole, iga Kristus aqa wau tamo bole unum deqa iga nin̄gi endegsi mern̄gwa kere, “Nin̄gi silali in̄gi in̄gi qa aqaryaigoqniy.” Ariya iga degyosai. Iga nun̄go ambleq di an̄gro kiñilala bul lawo na

soqnem. Ai nan̄gi na nan̄go an̄gro mom nan̄gi mun̄gum anain̄jreqnub dego kere iga nun̄go ai bul sosim nin̄gi gerein̄goqnem.

<sup>8</sup> Osim iga nin̄gi tulan̄ qalaqalainḡoqnem. Deqa iga nun̄go silali in̄gi in̄gi yainḡwajqa are qalosaioqnem. Iga Qotei aqa an̄jam bole nin̄gi mern̄gwajqa deqa are qaloqnem. Di segi sai. Iga gago segi n̄ambile dego uratosim nin̄gi aqaryainḡwajqa are qaloqnem. Di kiyaaqa? Nin̄gi gago Kristen was bole unub deqa.

<sup>9</sup> O was nin̄gi qalie, iga nin̄gi koba na sosimqa Qotei aqa an̄jam bole mern̄goqnem bati deqa iga waukobaoqnem. Iga nin̄gi gulbe en̄gwa uratosim deqa gago segi ban̄ na qanam ti qolo ti tulan̄ sin̄gila na wauoqnem. Osim dena gago segi in̄gi in̄gi awaiyoqnsim uyoqnem. Nin̄gi iga silali qa aqaryaiḡwajqa deqa mern̄gosaiioqnem.

<sup>10</sup> Nin̄gi Yesus qa nun̄go areqalo sin̄gilateqnu qaji iga na kumbra bole bole osorn̄goqnem. Iga kumbra uge bei osorn̄gosaiioqnem. Iga Qotei aqa n̄amgalaq di kumbra bole tin̄tin̄ nun̄go ambleq di yoqnem. Di nin̄gi qalie. Qotei a dego qalie.

<sup>11</sup> Abu nan̄gi na nan̄go an̄gro nan̄gi tingitn̄jroqnsib daln̄jreqnub dego kere iga nin̄gi tingitn̄goqnsim daln̄goqnem.

<sup>12</sup> Iga nin̄gi degn̄goqnem. Di kiyaaqa? Nin̄gi kumbra Qotei a tulan̄ areareteqnu qaji di yoqnsib walweloqn̄qajqa deqa. Qotei agi a na nin̄gi endegsi metn̄gej, “Nin̄gi ijoq babqa e nun̄go Mandor Koba sosiy nin̄gi taqatn̄gitqa nin̄gi lan̄ qureq di so bole gaigai sqab.”

*Tesalonaika Kristen nan̄gi gulbe qoboiyoqneb*

<sup>13</sup> Iga Qotei aqa anjam nin̄gi mern̄geqnam nin̄gi quoqnsib endegsib are qalosaiogneb, “Anjam di mandam tamo nan̄go anjam.” Sai. Nin̄gi are qalogneb, “Bole, anjam di Qotei aqa anjam tintin̄.” Deqa bini Qotei aqa anjam di nun̄go are miligiq di singila na waueqnu. Di kiyaaqa? Nin̄gi Yesus qa nun̄go areqalo singilateb deqa. Utru deqa iga gaigai Qotei bin̄iyeqnum.

<sup>14</sup> O ijo was, tamo un̄gasari Judia sawaq di Kristus Yesus aqa Abu Qotei wo qa loueqnub qaji nan̄go kumbra agi nin̄gi dauryeqnub. Tamo un̄gasari nan̄gi di Juda nan̄gi na gulbe koba enjroqneb dego kere nun̄go segi len̄ qujai nan̄gi na nin̄gi gulbe koba en̄geqnum.

<sup>15</sup> Juda nan̄gi na Tamo Koba Yesus qalsib moiyo-  
teb. Nan̄gi nami Qotei aqa medabu o qaji tamo  
nan̄gi dego ñumoqnsib moiyo tn̄jroqneb. Osib iga  
dego wigonab iga nun̄go qure uratosim jaraiyem.  
Juda nan̄gi di kumbra Qotei a tulan̄ areareteqnu  
qaji di gotran̄yoqnsib tamo un̄gasari kalil nan̄gi jeut-  
njreqnub.

<sup>16</sup> Osib iga na sawa bei bei qaji nan̄gi Qotei  
aqa anjam min̄jrqa yeqnam gam getentetgeqnum.  
Qotei na sawa bei bei qaji nan̄gi elen̄aim deqa  
Juda nan̄gi na gam getentetgeqnum. Deqa nan̄gi  
bati gaigai nan̄go segi une tumbol ateqnub. Nan̄gi  
kumbra degyeqnum deqa Qotei aqa min̄jin̄ bosiq  
nan̄goq di unu.

*Pol a Tesalonaika Kristen nan̄gi olo un̄jrqaqqa  
are koba qaleqnu*

<sup>17</sup> O ijo was, Juda nan̄gi na iga wige b deqa iga  
nin̄gi urat̄ngosim bati truquyala sawa beiq di so-

qnem. Deqa iga nungo ulatamu unosaieqnum. Ningi gago are miligiq di unub deqa iga ningi ti sobulejunum. Deqa iga nungoq olo bosim nungwajqa gam n̄ameqnum. Iga ningi olo nungwajqa are koba qaleqnum.

<sup>18</sup> Od, iga nungoq olo bqajqa are unu. E Pol e segi bati gargekoba nungoq olo bqajqa yeqnam Satan na iga gam getentetgoqnej.

<sup>19</sup> Mondoŋ gago Tamo Koba Yesus a laŋ qureq na bamqa bati deqa iga ningi qa are singilatosim Yesus aqa n̄amgalaq di tulaŋ areboleboleigwas. Yim Yesus na mergwas, “Ningi ijo wau tamo bole.” O ijo was, bati deqa iga ningi qa tulaŋ areboleboleigwas.

<sup>20</sup> Od, bini dego iga ningi qa tulaŋ areboleboleigeqnu. Ningi na gago are tulaŋ boletetgeqnu.

### 3

#### *Pol a Timoti qarinyonaq Tesalonaika Kristen nanqoq gilej*

<sup>1</sup> Iga ningi qa are kobaigoqnej. Deqa iga are qalem, “Uŋgum, iga olo tariŋqa keresai. Aqo Sailas wo Atens qureq endi sqom.”

<sup>2</sup> Iga degsi are qalsimqa Timoti qarinyonam nungoq gilej. Timoti a gago Kristen was bole. A Qotei aqa wau tamo. A Kristus aqa anjam bole maro qaji tamo. A ningi aqaryaingosim nungo areqalo Yesus qa singilateqnu qaji di olo singilatetŋwajqa deqa osim qarinyonam nungoq gilej.

<sup>3</sup> Gulbe ti jaqatiŋ ti ningi eqnub qaji dena nungo areqalo ugetetŋgaim deqa marsim Timoti

qariñyonam nungoq gilej. Ningi qalie, Qotei a nami ningi ti iga ti gulbe oqajqa marsiq giltgej.

<sup>4</sup> Agi iga ningi koba na sosimqa endegsi merñgoqnem, “Gulbe gargekoba gagoq boqnqas.” Merñgeqnam gulbe agi gagoq di brantoqnej. Di ningi qalie.

<sup>5</sup> Utru deqa e tariñqa keresai. Ningi nungo areqalo Yesus qa bole siñgilateqnub kiyo sai kiyo di e qalieqajqa deqa Timoti qariñyonam nungoq gilej. E endegsi are qalem, walawalaiyo tamo Satan na ningi uneq waiñgonaqa ningi gago wau laña ulontosib nungo areqalo Yesus qa siñgilato qaji di urateb kiyo? Degsi are qalsim are kobaiboqnej.

*Timoti a olo bosiq Pol minjej, “Tesalonaika Kristen nanjo so bolequja”*

<sup>6</sup> Ariya Timoti a nungoq gilsiq a olo uratñgsiq aqo Sailas wo gagoq di brantosiq a anjam bolequja endegsi mergej, “Tesalonaika Kristen nanji Yesus qa nanjo areqalo siñgilatoqnsib segi segi qa qalaqalaiyo kumbra yeqnub. Osib gaigai ningi qa are boleinjreqnu. Ningi nanji unjr qajqa are koba unu dego kere nanji kamba ningi nunjwajqa are koba unu.”

<sup>7</sup> O ijo was, ningi Yesus qa degsib nungo areqalo siñgilateqnub anjam di Timoti a bosiq aqo Sailas wo saigonaqa anjam dena gago gulbe kalil qa olo are siñgilatetgej.

<sup>8</sup> Deqa iga qalieonum, ningi siñgila na Tamo Koba aqa ñam ojejunub. Iga di qalieosim deqa bini iga so bole unum.

<sup>9</sup> Iga ningi qa are qaloqnsim deqa iga gago Qotei aqa ñamgalaq di tulañ areboleboleiqe qnu. Gago

arebolebole di tulan kobaquja. Qotei na arebolebole di iga egej deqa iga a binjiyeqnum.

<sup>10</sup> Iga qanam ti qolo ti endegsim Qotei pailyeqnum, “O Abu, ni na odgimqa iga Tesalonaika Kristen nanqoq gilsim unjrqom. Unjrsim nanqo areqalo Yesus qa sinqilateqnum qaji di truquin-jrimqa iga na olo sinqilateqnum.” Iga degsim Qotei pailyeqnum.

*Pol a olo Tesalonaika Kristen nanqoq gilqajqa are qaleqnu*

<sup>11</sup> Gago are koba endegsi unu. Gago Abu Qotei wo gago Tamo Koba Yesus wo nanqi aiyel na gam waqtetgibqa iga nunqoq olo gilqom.

<sup>12</sup> Gago areqalo bei dego agiende. Tamo Koba a na ninqi aqaryainqimqa qalaqalaiyo kumbra nunqoq di tulan kobaeme. Amqa ninqi segi segi qa qalaqalaiyo kumbra yoqnsibqa tamo unqasari kalil nanqi dego tulan qalaqalainqom. Agi iga na ninqi tulan qalaqalainqom dego kere.

<sup>13</sup> Kumbra dena Qotei a nunqo are miligi sinqilateqnum ninqi aqa segi kumbra bole dauryoqnsib tamo unqasari tulan bolequja brantosib gago Abu Qotei aqa nangalaq di une saiqoji soqniy. Soqnib mondon gago Tamo Koba Yesus na Qotei aqa segi tamo unqasari kalil nanqi lan qureq dena joqsim bqas. Bole.

## 4

*Ninqi sambala kumbra kalil torei uratiy*

<sup>1</sup> O ijo was, kumbra bole kalil Qotei a tulan areareteqnu qaji di iga na nami ninqi osornqom. Kumbra di agi ninqi dauryeqnum.



Ariya bini iga nungo are miligi singilatetngosim Tamo Koba Yesus aqa ñam na endegi merngwom, “Ningi kumbra bole di olo torei singilatosib yoqniy.”

<sup>2</sup> Anjam kalil iga nami Tamo Koba Yesus aqa ñam na ningi merngoqnem qaji di ningi segi qalie.

<sup>3</sup> Anjam agiende. Qotei aqa areqalo agi ubtosiy marqai. Ningi aqa segi kumbra boleq di sosib sambala kumbra kalil torei uratiy.

<sup>4</sup> Osib ningi nungo segi so geregere taqatiy. Ningi degyqab di ningi Qotei aqa segi kumbra boleq di sosib ñam bole oqab.

<sup>5</sup> Yimqa nungo areqalo uge uge na ningi titngosim sambala kumbraq di breingwasai. Ningi qalie, tamo ungasari Qotei qaliesai qaji nanngi sambala kumbra dauryoqnsib unub.

<sup>6</sup> Ariya ningi kumbra di uratiy. Ningi na nungo Kristen was nanngi kumbra uge bei osorn-jraib. Osib nanngi gisañjrsib nanngo ñaun uget-njraib. Tamo Koba a na tamo ungasari kumbra uge deqaji yeqñub qaji nanngi awai uge enjrqas. Iga nami ningi singila na degsi merngoqnem.

<sup>7</sup> Qotei na iga kumbra jigat yqajqa metgosai. Iga aqa segi kumbra boleq di sqajqa deqa metgej.

<sup>8</sup> Deqa tamo bei a gago anjam endi gotranjqas di a kumbra tulañ ugedamu yqo. A tamo nanngo anjam gotranjosai. A Qotei aqa anjam gotranjqo. Qotei agi a na aqa Mondor Bole ningi engeqnu.

*Ningi qalaqalaiyo kumbra torei singilatosib yoqniy*

<sup>9</sup> Ningi nungo Kristen was nanngi qalaqalain-jreqñub deqa e olo anjam bei totoryosiy

nenngrenyqasai. Qalaqalaiyo kumbra di Qotei na osorngekritej.

<sup>10</sup> Agi ningi na Masedonia Kristen kalil nanngi tulan qalaqalainjreqnub. Ariya ijo was, iga nunngo are singilatetngimqa ningi qalaqalaiyo kumbra di olo torei singilatosib yoqniy.

<sup>11</sup> Osib lawo na sosib nunngo segi ingi ingi taqatosib nunngo segi ban na wauoqniy. Anjam di iga nami ningi merngoqnem.

<sup>12</sup> Ningi degsib wauoqnibqa ningi ingi bei qa truquingwasai. Deqa tamo ungasari Yesus qaliesai qaji nanngi nunngo kumbra di unsib tulan areboleboleinjrqas.

*Yesus a olo bosim tamo ungasari moreno qaji ti nambile unub qaji ti nanngi koba na sqab*

<sup>13</sup> Ariya ijo was, tamo ungasari nami moreneb qaji nanngi mondon kumbra kiye turqab di ningi qalieqajqa deqa merngwom. Yim ningi nanngi qa are gulbeingwasai. Tamo ungasari Qotei qaliesai qaji nanngi subq na tigelo bati qa tarinosaieqnub. Deqa nanngo was bei a moiqas di nanngi tulan are gulbeinjrqas. Ariya ningi degsib are gulbeingwasai.

<sup>14</sup> Yesus a moisiqa olo subq na tigelej anjam di ningi iga ti gago areqaloq di singilatejunum. Deqa iga qalieonum, mondon Qotei a tamo ungasari kalil Yesus ombla sosib moreneb qaji nanngi subq na tigeltnjrimqa nanngi Yesus beteryosib koba na lan qureq na mandamq aiqab.

<sup>15</sup> Iga Tamo Koba aqa anjam ningi endegsi merngwom. Mondon Tamo Koba a mandamq aiyonimqa iga nambile unum qaji iga na tamo

uᅇgasari nami moreᅇeb qaji naᅇgi buᅇnjrsim namo oqsim Yesus itqasai.

<sup>16</sup> Qotei a anjam siᅇgila na marimqa laᅇ aᅇgro matu a leleᅇoqnimqa Qotei a gul anjamqas. Yimqa Tamo Koba Kristus a laᅇ qure uratosim mandamq aiyooqnimqa tamo uᅇgasari nami Kristus qa naᅇgo areqalo siᅇgilatosib moreᅇeb qaji naᅇgi namo subq na tigelqab.

<sup>17</sup> Tigelabqa bati deqa iga ᅇambile unum qaji iga ti naᅇgi ti turosim koba na laᅇbiq na oqsim Tamo Koba a itqom. Osim a ti gaigai sqom.

<sup>18</sup> Deqa niᅇgi anjam di Qotei aqa tamo uᅇgasari naᅇgi minjroqnsibqa dena naᅇgo are siᅇgilatetnjroqniy.

## 5

### *Yesus a bqajqa bati tamo bei a qaliesai*

<sup>1-2</sup> O ijo was, Tamo Koba Yesus a bati gembu bqas di tamo bei a qaliesai. A bqajqa bati di bajin tamo bul brantqas. Bajin tamo naᅇgi qolo beqᅇub dego kere Yesus bqajqa bati di lumu brantosim tamo uᅇgasari naᅇgi pruoᅇtnjrqas. Niᅇgi di qalie deqa iga olo anjam bei totoryosim neᅇgreᅇyqasai.

<sup>3</sup> Yesus a bosaisoqnimqa tamo uᅇgasari gargekoba naᅇgi endegsib maroqᅇqab, “Iga so bole unum. Iga inᅇgi bei qa ulaqasai.” Degsib maroqᅇnibqa gulbe kobaquja naᅇgoq di brantoqujatqas. Uᅇa aᅇgrotqa osiq jaqatiᅇ eqᅇnu dego kere. Gulbe di naᅇgi britosib jaraiqa keresai.

<sup>4</sup> Ariya ijo was, niᅇgi ambruq di sosai deqa Yesus bqajqa bati di bajin tamo bul bqas dena niᅇgi pruoᅇtᅇwasai.

<sup>5</sup> Ningi kalil pulon aqa angro. Ningi suwan aqa angro. Iga qolo qaji tamo sai. Iga amburu qaji tamo sai.

<sup>6</sup> Deqa iga nerenjo ani tamo nanngi bul sqasai. Iga nam atoqnsim areqalo bole ti sqom.

<sup>7</sup> Iga qalie, tamo nanngi nereneqnub qaji nanngi qolo nereneqnub. Tamo nanngi ya uge uyoqnsib nanarieqnub qaji nanngi qolo ya uyeqnub.

<sup>8</sup> Ariya iga suwan qaji tamo unum deqa iga areqalo bole ti sosim Qotei qa gago areqalo sinjilatqnsim qalaqalaiyo kumbra yoqnqom. Gago kumbra di iga qoto qa gara jugo bul jigsim tigelesqom. Osim Qotei na iga padalo sawaq na elenqajqa deqa tariñoqnqom. Gago kumbra di iga qoto qa gate tatal bul atsim tigelesosim nam atoqnqom.

<sup>9</sup> Qotei na iga aqa minjin turqajqa giltgosai. Gago Tamo Koba Yesus Kristus na iga elenqajqa deqa giltgej.

<sup>10</sup> Yesus a iga qa moiyej deqa iga mandamq endi sqom kiyo iga moiqom kiyo di unqum. Iga Yesus a koba na nambile gaigai sqom.

<sup>11</sup> Deqa ningi segi segi na Qotei aqa tamo unqasari nanngi anjam bole minjroqnsib dena nanngi sinjilatnjqoniy. Agi bini ningi degyeqnub.

### *Ningi kumbra bole bole yoqniy*

<sup>12</sup> Ariya ijo was, iga na ningi endegsi merngwom. Ningi nungo Kristen gate nanngo sorgomq di soqniy. Tamo Koba a na nanngi gate atelennej deqa nanngi ningi aqaryaingwajqa waueqnub. Wauoqnsib Qotei aqa anjam ningi merngoqnsib nungo kumbra tingitetnjeqnub.

13 Nanği wau di yeqñub deqa niñgi nanği qa are boleñgoqñim nanği qalaqalainjroqñiy. Osib niñgi nuñgo Kristen was kalil nanği koba na are qujaitosib soqñiy.

14 O ijo was, iga nuñgo are tigeltetñgimqa niñgi kumbra endegyiy. Niñgi na tamo uñgasari wauqajqa asginjreqnu qaji nanği tingitñjroqñiy. Osib tamo uñgasari are gulbeinjreqnu qaji nanği siñgilatñjroqñiy. Tamo siñgila saiqoji unub qaji nanği dego aqaryainjroqñiy. Osib tamo kalil nanği lawo na gereinjroqñiy.

15 Tamo qudei nanği niñgi kumbra uge eñgibqa niñgi na kamba olo kumbra uge enjraib. Niñgi na gaigai nuñgo Kristen was nanği ti tamo uñgasari kalil nanği ti kumbra bole osornjroqñiy.

16 Osib niñgi gaigai areboleboleñgim soqñiy.

17 Sosib gaigai pailyoqñiy.

18 Kumbra kiye nuñgoq di brantoqñim, di uñgum, niñgi olo Qotei binjyoqñisib minjoqñiy, “Ni keretonum.” Qotei aqa areqalo agiende. Niñgi Kristus Yesus beteryesosib degyoqñiy.

19 Qotei aqa Mondor na niñgi wau bei yqajqa are tigeltetñgimqa niñgi olo getentaib. Niñgi wau di yiy.

20 Qotei aqa medabu o qaji tamo nanği na anjam merñgoqñibqa niñgi nanği qa olo are ugeñgaiq.

21 Anjam kalil niñgi queqñub qaji di niñgi gegerere tenemtoqñisib pegiyoqñiy. Osib kumbra kalil dego pegiyoqñisib kumbra bole segi dauryoqñiy.

22 Osib kumbra uge kalil uratoqñiy.

23 Qotei a are lawo qa utru. A na niñgi torei aqa segi kumbra boleq di atqas. A nuñgo mondor

ti nungo qunun ti nungo jejamu ti kalil taqateso-qnimqa ningi so bole gaigai sqab. Deqa mondon gago Tamo Koba Yesus Kristus a olo lan qureq na bamqa ningi aqa namgalaq di une saiqoji sqab.

<sup>24</sup> Qotei agi ningi metngej qaji a na ningi aqaryaingimqa ingi bole kalil di nungoq di brantqas. Qotei a gisanj tamo sai. Anjam kalil a mareqnu qaji di a bole dauryeqnu.

<sup>25</sup> O ijo was, ningi iga qa Qotei pailyoqniy.

<sup>26</sup> Ningi na nungo Kristen was kalil nanji segi kundoqnjriy. Kumbra di agi Qotei aqa tamo ungasari nanji yeqnub.

<sup>27</sup> E Tamo Koba aqa ñam na ningi endegsi merngwai. Ningi na Qotei aqa tamo ungasari kalil nanji koroinjrsib ijo anjam nenngrenyonum qaji endi sisiyabqa nanji quqwab.

<sup>28</sup> Gago Tamo Koba Yesus Kristus a ningi qa are boleyeme. Bole.

**Yesus Aqa Anjam Bole 2014**  
**The New Testament in the Anjam language of Papua**  
**New Guinea, 2014 revision**  
**Nupela Testamen long tokples Anjam long Niugini,**  
**2014**

copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

---

PDF generated using Haiola and XeLaTeX on 28 Dec 2024 from source files dated 31 Aug 2023

0eb339dc-c20a-5065-9483-338933d97585